

Home / 2025 / November /

UiTM Perak Jayakan Eco Fest 2025: Memacu Kelestarian Kampus Hijau Seajar Agenda Universiti Rendah Karbon

## BERITA SINERGI

17/11/2025 / TS AHMAD HAQQI NAZALI ABDUL RAZAK



UiTM Perak, 31 Oktober 2025 – Program Eco Fest 2025 yang berlangsung sepanjang bulan Oktober telah melabuhkan tirainya dengan penuh kejayaan di UiTM Cawangan Perak. Penganjuran ini dikendalikan oleh **Jawatankuasa Kampus Hijau UiTM Cawangan Perak** dengan sokongan strategik daripada **Pulau Banding Foundation** dan **UiTM Green Centre** sebagai rakan kolaborasi utama. Bertemakan “*Kelestarian Kampus, Keharmonian Warga*”, program ini menghimpunkan warga akademik, pelajar, rakan industri dan komuniti setempat bagi memperkukuh komitmen UiTM ke arah pembangunan mampan seajar dengan agenda universiti rendah karbon.

Kejayaan Eco Fest 2025 turut menyumbang kepada pencapaian Petunjuk Prestasi (PI) UiTM,

khususnya **PI107: Program Kitar Semula Sisa Universiti (3R)**, **PI108: Program Pengurangan Penggunaan Kertas dan Plastik**, serta **PI135: Projek Keceriaan Kampus**. Sepanjang Oktober, sebanyak **12 program lestari** dilaksanakan di Kampus Seri Iskandar dan Tapah di bawah pimpinan Pengarah Projek, **Prof Madya Sr Dr Nur Azfahani Ahmad**.



Antara pengisian utama ialah *Waqaf Ilmu Series* (1 Oktober), Bengkel *Leafy Offices 2.0* (3 Oktober), *ECO-Green Talk & MGBC Road Show* (17 Oktober), *ECO-Carbon Score Workshop* (23 Oktober), dan *ECO-Green Forest Walk* (29 Oktober). Di Kampus Tapah pula berlangsung aktiviti seperti

Pengumpulan Sisa Minyak Masak Terpakai, *Eco Workspace Makeover*, *Green Unifit Explorace Challenge*, *Bye-Bye Chemical*, *Hello Nature*, dan Pertandingan *Hygrowbloom 2.0*. Majlis turut diserikan dengan lawatan rasmi UiTM Green Centre (8 Oktober) dan penyerahan Skuter Elektrik sumbangan Blueshark Malaysia (13 Oktober).

Kemuncak Eco Fest 2025 adalah **Majlis Penutup pada 31 Oktober** yang menampilkan Reruai Pameran dan Jualan, Pertandingan *ECO-Innovation and Invention*, serta aktiviti *Mudball 2.0* di Foyer Pentadbiran, Kampus Tapah. Penganjuran ini membuktikan komitmen UiTM Perak dalam memperkukuh budaya kelestarian dan inovasi hijau, selaras dengan aspirasi UiTM Prihatin dan Matlamat Pembangunan Lestari (SDG).



Tags: [Pulau Banding Foundation \(PBF\)](#), [UiTM Cawangan Perak](#), [UiTM Green Centre](#), [Universiti Teknologi MARA \(UiTM\)](#)

Kursus GAP Getah di UiTM Melaka:  
 Langkah Strategik Memacu  
Kecemerlangan Industri Perladangan

UiTM Pahang Perkukuh Literasi  
Digital Pelajar Melalui Program   
Keusahawanan Digital 2025

## QUICK LINKS

[Ministry of Higher Education](#)  
[Academic Calendar](#)  
[Intake Calendar](#)  
[Graduate Quick Search](#)  
[Library](#)  
[UiTM Holdings](#)  
[WiFi UiTM](#)  
[E-Complaint](#)

## HUBUNGI KAMI

Universiti Teknologi MARA  
(UiTM)  
40450 Shah Alam, Selangor  
Darul Ehsan  
Malaysia  
Tel: +603-5544 2051 / 2000



